



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka ("Službeni glasnik BiH" broj 95/12), člana 25. Pravilnika o godišnjim finansijskim izvještajima političkih stranaka ("Službeni glasnik BiH" broj 96/13), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka ("Službeni glasnik BiH", broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2012. GODINU HRVATSKE NARODNE ZAJEDNICE

Broj: 03-07-6-675/13
Sarajevo, 03.04.2014. godine

SADRŽAJ

1. UVOD	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole.....	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1. NALAZI.....	5
5.2. PREPORUKE.....	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske narodne zajednice za 2012. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka ("Službeni glasnik BiH" broj: 22/00, 102/09 i 54/10), koji je bio na snazi do 04.12.2012. godine i Zakona o finansiranju političkih stranaka ("Službeni glasnik BiH" broj: 95/12), koji je na snazi od 05.12.2012. godine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Hrvatska narodna zajednica prekršila je odredbe člana 11. stav (1) i stav (3) Zakona o finansiranju političkih stranaka, koji je bio na snazi do 04.12.2012. godine.

Pregledom, odnosno kontrolom finansijskih izvještaja, nismo utvrdili ništa značajno, osim gornje napomene, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Hrvatske narodne zajednice za 2012. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka ("Službeni glasnik BiH" broj: 96/13) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka ("Službeni glasnik BiH" broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatska narodna zajednica je ostvarila ukupne prihode u iznosu od 1.282,00 KM, čija struktura je data u sljedećoj tabeli:

Red. br.	Vrsta prihoda	Iznos u KM	Učešće u uk. prih. %
1	Članarina	0,00	0,00%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	27,00	2,11%
5	Prihodi od pr. lica	0,00	0,00%
6	Prihodi od poklona	0,00	0,00%
7	Prihodi iz budžeta	1.255,00	97,89%
	Ostali prihodi	0,00	0,00%
	Ukupni prihodi:	1.282,00	100,00%

U godišnjem finansijskom izvještaju stranka je iskazala ukupne rashode u iznosu od 24.218,78 KM.

2. PREDSTAVLJANJE POLITIČKE STRANKE

Naziv političke stranke: Hrvatska narodna zajednica. Skraćeni naziv: HNZ.

Stranka je upisana u registar Kantonalnog suda u Sarajevu rješenjem broj: RI-6/1998 od 05.09.1998. godine.

Sjedište političke stranke je u Sarajevu, Titova br. 9 a.

Za zastupanje stranke ovlašten je prof.dr Milenko Brkić, predsjednik.

Lice ovlašteno za podnošenje finansijskih izvještaja za 2012. godinu je Bernarda Nosse.

Prema podacima iz godišnjeg finansijskog izvještaja za 2012. godinu, Hrvatska narodna zajednica ima sljedeću organizacionu strukturu:

- Središnjica HNZ, i
- 1 općinski odbor.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske narodne zajednice za 2012. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskih izvještaja Hrvatske narodne zajednice obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta i troškove kampanje.

4. PRETHODNE KONTROLE I REVIZIJE

U prethodnom periodu od 2005. do 2010. godine, obavljen je pregled godišnjih finansijskih izvještaja Hrvatske narodne zajednice, nakon čega su izdati izvještaji o pregledu sa mišljenjem revizora i nalazima.

Nakon izvršenog pregleda za 2011. godinu, Služba za reviziju je izdala Izvještaj o pregledu godišnjeg finansijskog izvještaja Hrvatske narodne zajednice sa mišljenjem revizora da je stranka postupala u skladu sa Zakonom o finansiranju političkih stranaka.

5. NALAZI I PREPORUKE

5.1 NALAZI

Hrvatska narodna zajednica prekršila je odredbe člana 11. stav (1) i stav (3) Zakona o finansiranju političkih stranaka.

- Stranka nije u skladu sa poreskim propisima, obračunala i platila porez na dohodak i pripadajuće doprinose na sredstva isplaćena fizičkim licima, troškove i obaveze po osnovu poreza i doprinosa nije evidentirala u poslovnim knjigama, niti u godišnjem finansijskom izvještaju stranke, čime je prekršila odredbe člana 11. stav (1) Zakona o finansiranju političkih stranaka.

Hrvatska narodna zajednica je u svojim poslovnim knjigama i godišnjem finansijskom izvještaju za 2012. godinu iskazala troškove službenog putovanja u ukupnom iznosu od 2.189,38 KM. Uvidom u dostavljenu dokumentaciju, utvrđeno je da putni nalozi glase na lica koja nisu zaposlenici stranke.

Imajući u vidu da stranka nema zaposlena lica, odnosno nema sklopljene ugovore o radu, navedene isplate sa poreskog aspekta imaju karakter ličnih primanja, te je na iste imala obavezu da izvrši obračun poreza na dohodak i pripadajuće doprinose.

Takođe, uvidom u dokumentaciju utvrđeno je da je GO HNZ Banja Luka na ime usluga prevoza preduzeću Žak Turs isplatila 250,00 KM, na osnovu nevalidne knjigovodstvene dokumentacije. Za navedenu uslugu stranka posjeduje priznanicu, a ne fiskalni račun kako nalažu zakonski propisi.

- Hrvatska narodna zajednica obrasce godišnjeg finansijskog izvještaja za 2012. godinu nije popunila u skladu sa tada važećim Pravilnikom o godišnjim finansijskim izvještajima političkih stranaka („Službeni glasnik BiH, broj 61/06) – u daljem tekstu: Pravilnika, čime su prekršene odredbe člana 11. stav (3) Zakona o finansiranju političkih stranaka.

Hrvatska narodna zajednica u Obrascu 1-1 finansijskog izvještaja (Teritorijalna struktura političke stranke) nije iskazala organizacionu strukturu stranke.

Uvidom u akt koji je dostavio Grad Banjaluka, odnosno na osnovu uplata prihoda iz budžeta Grada Banjaluka na transakcijski račun stranke, i poslovne dokumentacije koju je stranka dostavila, utvrđeno je da stranka ima Gradski odbor HNZ-a Banjaluka, koji nije iskazala u navedenom obrascu godišnjeg finansijskog izvještaja, što je suprotno odredbama člana 10. Pravilnika o godišnjim finansijskim izvještajima političkih stranaka.¹

Troškovi izborne kampanje

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM^[1] po biraču u svakom izbornom krugu, prema broju birača koje je objavila Centralna izborna komisija BiH.

Hrvatska narodna zajednica je, prema podacima Centralne izborne komisije BiH, u svrhu izborne kampanje mogla da potroši 54.459,00 KM.

Prema podacima iz godišnjeg finansijskog izvještaja za 2012. godinu, Hrvatska narodna zajednica je iskazala troškove izborne kampanje u iznosu od 1.969,17 KM.

5.2. PREPORUKE

Preporučuje se Hrvatskoj narodnoj zajednici da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da vodi evidencije o prihodima i rashodima i***

¹ Prema odredbama člana 10. Pravilnika o godišnjim finansijskim izvještajima političkih stranaka u Obrazac 1-1 (Teritorijalna struktura političke stranke) unose se za sve nivoe organizovanja (glavne kancelarije, entitetske, kantonalne, opštinske i druge organizacije) sljedeći podaci: naziv organizacionog dijela političke stranke i adresa, broj telefona i faksa.

^[1] Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR

Hrvatska narodna zajednica nije se očitovala na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2012. godinu koji je stranci dostavljen 28.01.2014. godine.

Revizor

Šef Službe za reviziju

Veliborka Kenjić

Mr.sc. Hasida Gušić

Pomoćnik revizora

Anela Burdžović Kapić